

**საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტი**  
**ბრძანება № 01-08/110**

ქ. ბათუმი

---4--- სექტემბერი, 2018 წ.

**2018-2019 სასწავლო წლის შემოდგომის სემესტრში ბსუ-ს საგანმანათლებლო  
პროგრამების სტუდენტთათვის ადმინისტრაციული რეგისტრაციის ვადების  
განსაზღვრის შესახებ**


„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, ბსუ-ს აკადემიური საბჭოს 2015 წლის 08 ოქტომბრის №111 დადგენილებით დამტკიცებული „სასწავლო პროცესის მარეგულირებელი წესი“-ს, „ბსუ-ს დოქტორანტურის დებულების დამტკიცების შესახებ“ ბსუ-ს აკადემიური საბჭოს 2017 წლის 05 აპრილის №19 დადგენილების, „საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის 2018-2019 სასწავლო წლის აკადემიური კალენდრის დამტკიცების შესახებ“ ბსუ-ს აკადემიური საბჭოს 2018 წლის 28 ივნისის №64 დადგენილების, ბსუ-ს წარმომადგენლობითი საბჭოს 2015 წლის 29 სექტემბრის №06 გადაწყვეტილებით დამტკიცებული „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის სტუდენტთა სწავლის საფასურის გადახდის წესის“ საფუძველზე

**ვ ბ რ ძ ა ნ ე ბ :**

1. 2018-2019 სასწავლო წლის შემოდგომის სემესტრში ბსუ-ს სამივე საფეხურის საგანმანათლებლო პროგრამების სტუდენტების (გარდა საბაკალავრო და სამაგისტრო პროგრამების პირველი სემესტრის სტუდენტებისა) მიერ სწავლის სემესტრული საფასურის გადახდა (ადმინისტრაციული რეგისტრაცია) შესაძლებელია განხორციელდეს 3 (სამ) ეტაპად, შემდეგნაირად:
  - ა) I ეტაპზე - 2018 წლის 15 ოქტომბრის ჩათვლით გადახდილი უნდა იქნეს არანაკლებ სემესტრული სწავლის საფასურის 50%;
  - ბ) II ეტაპზე - 2018 წლის 30 ნოემბრის ჩათვლით გადახდილი უნდა იქნეს არანაკლებ სემესტრული სწავლის საფასურის 30%;
  - გ) III ეტაპზე - 2018 წლის 31 დეკემბრის ჩათვლით სრულად უნდა დაიფაროს სემესტრული სწავლის საფასური (დარჩენილი 20%).
2. ბსუ-ში 2018 წელს ჩარიცხულმა პირებმა (შემდეგში „პირველი სემესტრის სტუდენტი“) უნდა გაიარონ ადმინისტრაციული რეგისტრაცია - გადაიხადონ პირველი სემესტრის სწავლის საფასური:
  - ა) I ეტაპზე, ბაკალავრიატის სტუდენტებმა 2018 წლის 25 სექტემბრის ჩათვლით, ხოლო მაგისტრატურის სტუდენტებმა 2018 წლის 5 ოქტომბრის ჩათვლით - არანაკლებ 800 ლარი (70%-იანი გრანტის მფლობელებმა - 300 ლარი, ხოლო 50%-ინი გრანტის მფლობელებმა - 500 ლარი);
  - ბ) II ეტაპზე (2018 წლის 30 ნოემბრის ჩათვლით) და III ეტაპზე (2018 წლის 31 დეკემბრის ჩათვლით) სწავლის საფასურის დარჩენილი ნაწილი უნდა დაფაროს თანაბარწილადი შენატანით.

3. პირველი სემესტრის სტუდენტი, მის მიერ წინამდებარე ბრძანების მე-2 პუნქტით დადგენილი ოდენობით და ვადებში სწავლის საფასურის გადაუხდელობის შემთხვევაში სასწავლო პროცესის მართვის ელექტრონულ სისტემაში ვერ შეძლებს აკადემიური რეგისტრაციის განხორციელებას და შემდეგში ბსუ-ს სასწავლო პროცესში მონაწილეობას (სისტემაში სტუდენტის პროფილი დროებით, ავტომატურად დაიკეტება).
4. სწავლის საფასურის გადახდა იწარმოებს შემდეგ რეკვიზიტებზე: მიმღების ბანკი - სახელმწიფო ხაზინა; მიმღების დასახელება - ხაზინის ერთიანი ანგარიში; ბანკის კოდი - TRESGE22; მიმღების ანგარიში/სახაზინო კოდი - 7 0901 7289 - უმაღლეს საგანმანათლებლო დაწესებულებებში სწავლის საფასური; დანიშნულებაში უნდა მიეთითოს: სტუდენტის სახელი, გვარი, პირადი ნომერი, ფაკულტეტი, სპეციალობა, კურსი.
5. იმისათვის, რომ გადახდილი სწავლის/კრედიტების საფასური ავტომატურად აისახოს სასწავლო პროცესის მართვის ელექტრონულ სისტემაში შესაძლებელია გამოყენებული იქნას ბანკში საბილინგო სისტემა. გადახდა ასევე შესაძლებელია სწრაფი ჩარიცხვის აპარატებისა და ელექტრონული გადახდების სისტემებიდან.
6. ბრძანება აღსასრულებლად დაეგზავნოს ბსუ-ს შესაბამის სტრუქტურულ ერთეულებს და განთავსდეს სტუდენტურ პორტალზე და უნივერსიტეტის ვებ-გვერდზე.
7. ბრძანება შეიძლება გასაჩივრდეს მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, სტეფანე ზუბალაშვილის №30).
8. ბრძანება ძალაშია ხელმოწერისთანავე.

რექტორი, ასოცირებული პროფესორი



მერაბ ხალვაში